

مرجع و محل ادارہ سی

مرجعی

تقوم و قایع نظارتی انضمامیلہ داخلہ نظارت
جلیلہ سی مستشار لیدر

ادارہ سی

باب عالی مطبوعات داخلہ دائرہ سیدر

تعمیر و قایع

تاریخ تاسیس ۱۲۶۷ تکرار احداثی تاریخ ۱۳۰۸

دَوْلَتِ عَلِيّهٔ عُثمَانِيّهٔ عَزِيزَة مَوْلَانَا

شرائط اشترا و اعلان

پونماہ

سنہ لکی بر عدد عثمانی لیراسی ، التی ایلغی اوج
عدد سیم مجیدہ در

اعلامات

دوائر رسمیه اعلاناتی درج و نشر اولتور

نسخی ۲۰ بارہ در

جمعہ ماہ ہر کوہہ نشر اولتور

نسخی ۲۰ بارہ در

سینا ملوق سیم عالیہ

دونکی سلامق رسم جلیلی
مؤسسات دیانت آیات خلافتنہایدن
اولان {مجیدہ} جامع نور لامعندہ اجراسی
رہین فرمان قدسیت بیان جناب پادشاهی
اولمشدر .

امیر المؤمنین خلیفہ روی زمین
غرہ غرای شریعت کبرا درہ اکابل
ملت بیضا پادشاهز پادشاه سطوت پناہ
افندیز حضرتلری بر کردونہ شوکت
نموندہ شکوہ آرای عز و اجلال اولہرق
سرای معالی احتوای ملوکانہ لردن جامع
شریف مذکورہ مواصلت و بعد ادای
الصلوہ یتہ کردونہ پیرای مجد و شان
اولدقلری حالہ معاودت بیورمشدر .

رہگذار سعادت دثار ملوکانہ درہ
تشکیل صفوف احترام ایلین عسا کر
منصور اللوای ملوکانہ لری « پادشاهم
چوق یشا ، درود اجابت نمودینی تکریر ایلہ
ایفای وظیفہ نظیفہ عبودیتکاری ایلدکلری
کچی انوار رفاهیت نثار ملوکانہ ایلہ منور
الفواد اولفہ شتابان اولان اہالی صادقہ
قوللری دخی بودعای جلیلی ترتیل ایلہ
قریر الہین مسرات اولمشدر .

رسم عالی مذکور مسکی الحتام
اولدقدن صکرہ اصابت افزای سنوح
بیوریلان ارادہ شوکت عادہ شہریاری
اوزرینہ عسا کر فیض مائر ملوکانہ غایت
مکمل بر رسم کچید اجراسیلہ آثار مہارت
یسالت کسترانہ ایلمشدر .

قیمی سیم

توق چیتنا

ملکیہ (مأموریت)
جیل برکت سنجانجی بدایت محکمہ سی ریاستی
مرسین بدایت محکمہ سی جزا دائرہ سی ریسی
ناظم افندیہ

مرسین بدایت محکمہ سی جزا دائرہ سی ریاستی
ارطغرل سنجانجی بدایت محکمہ سی جزا دائرہ سی
ریسی طیار بکہ

ارطغرل سنجانجی بدایت محکمہ سی جزا
دائرہ سی ریاستی لواء مزبور مدعی عمومی معاونی
عبدالرحمن ناشد افندیہ

لواء مزبور مدعی عمومی معاونلکی سینوب
بدایت محکمہ سی باش کاتبی احمد جواد بکہ تقویض
(رتبہ)

تجارت و نافہہ نظارتی طرق و معابر ادارہ سی
مدیری سعادت لوق فکری افندی حضرتلرینہ امور
مأمورہ سنی حسن ایفادہ مشاہد اولان مساعی
واقدماتہ مبنی اولی صنف اولی

نظارت مشار الیہا محررات اجنیہ و ترجمہ
قلعی باش کاتبی سعادت لوق کیغورق افندیہ امور
مأمورہ سندی مساعی واقدماتہ مبنی اولی
صنف ثانیسی

نظارت مشار الیہا ایستاتستیق ادارہ سی
باش کاتبی عزت لوق سعید بکہ امور مأمورہ سندی
اقدامانہ مکافاۃ و ترفیقا ثانیہ صنف ثانیسی

جریدہ شرقیہ غزنیہ سی صاحب امتیازی
عزت لوق جیوہک افندیہ حسن خدمت و صداقتہ
مبنی ثانیہ صنف ثانیسی

زور سنجانجی داخلندہ کائن اربیل قضاسی
مجلس ادارہ سی اعضاسندن حیتلو حضر افندیہ
خدمات ممدوحہ سندن طولوایی خامسہ رتبہ لری
توجیہ

علمیہ
بیروت ولایتی داخلندہ حیفا قضاسی نیابتی
غرہ رجب سنہ ۱۳۰۹ تاریخندن ظلتین نائی
سابق مکرمتلو احد صائب افندیہ
قسطنمونی ولایتی داخلندہ چرکس قضاسی

نیابتی ۱۵ جمادی الاولیٰ سنہ ۱۳۰۹ تاریخندن
طاطای نائی سابق علی رضا افندیہ

قوصوہ ولایتی داخلندہ ترغویشتہ قضاسی
نیابتی غرہ جمادی الاولیٰ سنہ ۳۰۹ تاریخندن
پلنقہ نائی سابق علی رضا افندیہ

دیاربکر ولایتی داخلندہ نصیبین قضاسی
نیابتی غرہ جمادی الاخرہ سنہ ۱۳۰۹ تاریخندن
روم قلعه نائی سابق صالح افندیہ تقویض

نشان

کیف شہری معتبرانندن موسیو ژان
روز نبرغہ خیرخواهان سلطنت سندیہ دن اولسنہ
وتبعہ دولت علیہہ معاونتہ بولنسنہ مبنی اوچنجی
رتبہ دن مجیدی

مکتب حربیہ شاہانہ خواجہ لردن وارکان
حربیہ قول اغلرندن فتوتلو محمد افندیہ مشاہد
اولان مساعیسنہ مبنی دردنجی رتبہ دن عثمانی

عربکیر پولیس افراندن محمود افندیہ
اشقیادردستی امرندہ مشہود اولان حسن خدمت
و غیرتہ مبنی بشنجی رتبہ دن مجیدی نشان
ذیشانلری

مدالیہ

دوقتور سعادت لوق زامباقو پاشایہ اختخار
مدالیہ سی

معمورہ العزیز ولایتی مرکز زاندارمہ
طابوری پیادہ ایکنجی بلوکنک برنجی اونباشیسی
احمدہ اشقیادردستی امرندہ مشہود اولان حسن
خدمت و غیرتہ مبنی اختخار مدالیہ سی احسان
بیورمشدر .

الاخلیہ

(تعمیر)

توسیع و تعمیر مقتضای ارادہ سنیہ حضرت
پادشاهیدن بولنان ادرنہ تلغراف و پوستہ خانہ سنک
کشف اولندن فضلہ بعض محللر ایلہ امانات
واوراق حفظی ایچون اون بیک غروش صرفیلہ
کارکیر بردہ مخزن انشاسنہ و مبلغ مذکورک تلغراف
نظارتک اوج یوز یدی سنہ سی ابنیہ تعمیراتی
ترتیندن تسویہ سنہ شورای دولت قراریلہ
بالاستیدان ارادہ سنیہ حضرت جہانبانی
شرفسناخ اولمشدر .

اسکداردہ کائن خان سبیلک کشفی موجنبجہ
یدی بیک طقوز یوز کسور غروش صرفیلہ اجرای
تعمیرات مقتضیہ سنہ و مبلغ مذکورک اوچ یوز
یدی سنہ سی بودجہ سی ترتیندن تسویہ سنہ اوقاف
ہایون نظارت جلیلہ سنک اشعاری و شورای
دولت قراری اوزرینہ بالاستیدان امر و فرمان
ہایون جناب ظل اللہی صحیفہ پیرای صدور
اولمشدر .

(تلغراف خطی)

اسکیشپردن چفتلر حراری ہاپوننہ تمدیدی
مقتضی اولان تلغراف خطک بردفیلہ مخصوص
اشیا بہاسی و استخدام اولنہ حق مأمورین معاشی
ایلہ مضارف ساثرہ و دانغہ سی اولان التی بیک
دردت یوز یتمش دردت فرائق ایلہ التمش دردت بیک
بش یوز سکسان غروشک اوچ یوز سکز سنہ سی
موازنہ سنہ علاوہ تسویہ سی خصوصہ پوستہ
و تلغراف نظارت علیہ سنک اشعاری و شورای دولت
قراریلہ بالاستیدان ارادہ سنیہ حضرت پادشاهی
شرف متعلق بیورمشدر .

(رسم کشاد)

سایہ معالیویاہ حضرت تاجداریدہ منتفک
سنجانغہ ملحق شطرہ قضاسندہ عسا کر شاہانہ نک
اقامتی ایچون اعانہ تاسیس و انشاسنہ کچندہ
مباشرت اولنان قشلہ عملیاتی بوکرہ ختام بولہرق
شہر جارینک یکریمی برنجی نچیشنبہ کونی رسم
کشادی اجرا و بومناسبت جمیلہ ایلہ دہ ادعیہ مفروضہ
جناب شہنشاہینک جملہ طرفندن تکرار و ایضا
قلندی متفک متصرفلنک اشعاری اوزرینہ
بصرہ ولایتی مقامندن باتلغرافنامہ از بار ایدلمشدر .

(تعیین)

حلب معارف محاسبہ مأمورلغنہ قسطنمونی
معارف محاسبہ مأموری رفعتلو نافذ افندی
قسطنمونی معارف محاسبہ مأمورلغنہ اشقودرہ
محاسبہ مأموری ولی افندی
اشقودرہ معارف محاسبہ مأمورلغنہ بیغا
محاسبہ مأموری حسین حسنی افندی تعیین
اولمشدر .

(مکاتب)

پرہ پول قصبہ سندیہ حیتمندان اہالی اعانہ سیلہ